


# غناوي بو تعب



علي الشرقاوي







غناوي بو تعب

**Titel:** *Ghanawy' Bu-Taab*

**Author:** Ali Al Sharqawi

**Publisher:** Ministry of Information

**First Edition** 2007

**L.D.** 4867 / 2007

**ISBN** 99901-90-48-8

**Cover Photo:** Hussain Al Mahroos

عنوان الكتاب: غناوي بوتعب

اسم المؤلف: علي الشرقاوي

الناشر: وزارة الإعلام


الطبعة الأولى 2007م

رقم الإبداع بإدارة المكتبات العامة: د.ع 4867 / 2007م

رقم الناشر الدولي : 8-48-90-99901 ISBN

صورة الغلاف: حسين المحروس

كُتبت هذه النصوص لمسلسل ( غناوي بوتعب ) من إنتاج هيئة إذاعة وتلفزيون البحرين



#### وزارة الإعلام

إدارة المطبعة الحكومية، ص.ب: 26005 مملكة البحرين

هاتف: 17682926 (+973) - فاكس: 17689066 (+973)

#### Ministry of Information

Directorate of Government Printing Press

P.O.Box 26005 - Kingdom of Bahrain

Tel: (+973) 17682926 - Fax: (+973) 17689066

البريد الإلكتروني: E-mail: gppartwork@info.gov.bh

#### جميع الحقوق محفوظة

لايسمح بإعادة إصدار هذا الكتاب أو أي جزء منه أو نقله بأي شكل من الأشكال دون إذن خطي مسبق من الناشر

#### All Right Reserved

No part of this book may be reproduced or transmitted in any form or by any means without prior permission in writing of the publisher

# غناوي بر تعب

شعر  
علي الشرقاوي





## الفهرس

66	المنادي	7	المقدمة والنهاية
68	أغنية جماعية	9	النهاية
70	الحداد	11	النداف
71	أغنية جماعية	13	أغنية جماعية
73	الحواج	14	العبار
75	أغنية جماعية	16	أغنية جماعية
77	الحناية	17	عكار
79	أغنية جماعية	19	أغنية جماعية
81	البناي	21	الجمال
83	أغنية البناء	23	أغنية جماعية
85	النساج	25	الجزاف
87	أغنية جماعية	27	أغنية جماعية
89	السقاي	29	الخضار
91	أغنية جماعية	31	أغنية جماعية
93	الدلال	33	الخباز
95	أغنية جماعية	35	أغنية جماعية
97	الطواش	37	الصفار
99	أغنية جماعية	39	أغنية فردية
101	( موال ) الغيص	41	الخمام
102	الغيص	43	أغنية جماعية
104	أغنية جماعية	44	صانع الفخار
106	السماج	46	أغنية جماعية
108	أغنية جماعية	48	المسحر
110	النجار	50	أغنية جماعية
112	أغنية جماعية	51	زري عتيج
114	المحسن	53	أغنية جماعية
116	أغنية جماعية	55	المقهوي ( صباب القهوة )
118	صانع القراقيز ( عمال )	57	أغنية جماعية
120	أغنية جماعية	59	القلاف
122	سفافة	61	أغنية جماعية
124	أغنية جماعية	63	الحصاي
		65	أغنية جماعية





## المقدمة والنهاية

كورس : تعب تعب تعب

تعب تعب تعب

فردى : اسمى تعب

جسمى تعب

دمى تعب

كورس : تعب تعب تعب

تعب تعب تعب

فردى : أكلى تعب

شربى تعب

نومى تعب

كورس : تعب تعب تعب

تعب تعب تعب

فردى : ليش الحىاة كلها تعب

كورس : ليش ليش ليش

فردى : ليش العرق شق العصب

كورس : ليش ليش ليش

فردى : نولد تعب نكبر تعب نعمل تعب



كورس : تعب تعب تعب

تعب تعب تعب

فردى : أبني وأغوص وأنجر

واخم طريج الناس

وأبيع ومهما أبيع

ما أطلع من الافلاس

جنى مثل مسمار

دوم أنضرب في الراس

كورس : احنا بعد مثلك

في الدنيا تعبناين

نحلم نضل شهرين

بس شهرين . بس

شهرين

من غير سلف أو دين

فردى : شنهو الحياة شنهو

صار الشغل لي قيد

أزرع بذر بطيخ

يطلع بقل وارويد

وأحدق للاسبيطي أنا

وما أصيد غير الميد



## النهاية

لارزاق لارزاق  
لارزاق ماتجي لك  
وانته في بيتك راقد  
والا في مكانك حاط  
ريل على ريلك  
لارزاق لارزاق  
لاتظنها بتشيلك  
وانته تحن وتحن  
وشوي تعب وتون  
القعدة ماتزرع  
والحسرة ماتنفع  
واللقمة ماتطلع  
الا بمراييك

فردي : لولا التعب في الهير  
ما شفنا أي لؤلؤ  
يطلع من المحار  
كورس : اتعب وخرلك حار  
مثل اليمر في النار



فردى : لولا التعب فى البر

محمّد عـرف غـره

ومحمّد بنى له دار

كورس : اتعب وخلك ربح

ينزل عـرقها أمطار

فردى : لولا التعب فى الناس

ما صارت الديرة

ولا صارت الافكار

كورس : لارزاق لارزاق

لارزاق ما تجي لك

وانته فى بيتك راقد

والا فى مكانك حاطط

ريل على ريلك

لارزاق لارزاق

لاتظننها بتشيلك

وانته تحن وتحن

وشوي تعب وتون

القعدة ماتزرع

والحسرة ما تنفع

واللقمة ما تطلع

الا بمرايك



## النداف

( النداف يجلس داخل دكانه، يندف بالته القطن، مساند، مخدات، فرش هنا وهناك، الدكان يكاد يتغطي بما هو موجود فيه ).

المرأة : يا حجي كيف أصبحت  
أعني صباح الخير  
شاسمك نعم شاسمك  
يا بوالتعصب والخير

النداف : شوفيـني وتعرفين  
بين القطن مدفون  
عيـني بـيا عيون

المرأة : أبغي  
الرجل : مخدة ريش  
ففي الحال اسويها

المرأة : أبغي  
مساند بيت  
حتى الزري فيها



المرأة : أبغبي  
الرجل : نعيم دوششق  
يبقيني ويتحمل

المرأة : اسمعني يا ريال  
خل الحجي يكمل  
أبغبي الفسراش يكون  
أحسن من الأول

الرجل : واللون اشتبغين  
خاكسي أو مقلم

المرأة : خاكسي أظن أحسن  
حق النظر أرحم

الرجل : لا خيطه بروحي  
وبقلبي أو...

المرأة : تسلم  
خل الفسراش يكون  
مكر كش بريسم



## أغنية جماعية

قطن قطن قطن قطن قطن  
نشرب قطن ناكل قطن  
وعيونهم من بين القطن  
بيضه ورمشها منشطن

جلد الأصابع منشوي  
من زود عضات الابر  
خيطة القطن ما يستوي  
الا على حن الوتر  
ما أحلاك يا حن القطن

اسفنج ومطاط وقهر  
وصلنا من أبعد بحر  
خلا القطن يبجي على  
لون البساطة في الدهر  
وينج يا أيام القطن



## العبارة

من سيف لـحرق  
أعبر طـريـج الخور  
واوصـل الحـورة  
أشـيل وارـجـع  
في المـرة خمـس أنـفار  
وكـل واحـد بدوره

لـما تشـوفـوني  
واقـف عـلى الفـنة  
بالخطـرة والمـيداف  
مـرة أنـا أجـلس  
مـرة أنـا أيـداف  
وفـي المـرتين أخاف

خـايف نـعم خايف  
يتـهدـلون النـاس  
لـو يلحـم الشـوعي  
أنـزل أنـا في الماي



حتى ولو في البرد  
ادفعه بضلوعي

عندي السقي ضحكة  
جنبي على الفرضة  
وعند الثبر غربال  
أشيل على ظهري  
شايب أو أميرة  
والا عشرين أطفال

## أغنية جماعية

من صارت البحريين  
وهي جزر مرجان  
واحنسه اللي تربطها  
ونوصل الخلان

خط البحر معروف  
لوطالت الا زمان  
أم الحصصم - سترة  
والحالة - راس رمان

حتى الشيته والليل  
لوطاح أي إنسان  
للدختر نوديه  
من غير شكر وأمان

ندري وكل واحد  
من هالشغل تعبان  
لكن بلا شغلة  
ما ينتج الإنسان



## عكار

ففي قبضة المنجل  
كل قوتي ومالي  
عندي أنا المنجل  
أغلى من الغالي  
أربط بظهري الكر  
واصعد به العالي

النخلة من غيري  
جثته عليها غبار  
لما أعجفها  
ترجع غناوي صغار  
وتعيش وتطلع  
لؤلؤ بلا محار  
السلة والليفه  
من ضربتي تنشال  
وأسوي كل الطلع  
طرقاعه للأطفال  
وانظر أنا وغيري  
موسمها بالآمال

النخسـله أم الخير  
النخسـله هـالجده  
تحميـنا من كل يوع  
لـوزادت الشـده  
والسـعه لـو تنقط  
صـارت لـنا مده



## أغنية جماعية

نحمل مــــــــــــــــناجلنا  
من أول الأزمــــــــــــــــان  
وان جــــــــــــــــرب المــــــــــــــــوسم  
من جــــــــــــــــنه الأوطان  
نطلعــــــــــــــــع ونتــــــــــــــــقرا  
ونطــــــــــــــــق على البيان  
من يــــــــــــــــغي يــــــــــــــــبت  
ويعــــــــــــــــدل الأغصــــــــــــــــان  
ويعجــــــــــــــــف النخــــــــــــــــله  
لو حــــــــــــــــتى بالمــــــــــــــــجان

نبغــــــــــــــــسي نشــــــــــــــــوف نخيل  
ديــــــــــــــــرتنا هــــــــــــــــالحلوة  
ما يــــــــــــــــر عليها الكيــــــــــــــــظ  
الا وهــــــــــــــــي تــــــــــــــــسوى  
مــــــــــــــــهر العــــــــــــــــروس اللي  
شــــــــــــــــالوها في الجــــــــــــــــلوة  
النخــــــــــــــــله في كل بيت

تـزـيـده بالقـوه  
عـطـها وهـي تعـطـك  
كـل الـذي تهـو  
كـل نـخله خـنـزي  
مـحـد يـقـاومـها  
والـلـي يـرـيـد خـلاصـ

فـي تـربـته يـضـمـها  
يـسـأل عـن النـخله  
بـس مـا يـساومـها  
ويـأشـر بـجـفه  
واـحـنه الـلـي نـفـطـمـها  
النـخله مـا تـطـلع  
الـا عـلى أـمـها



## الْحَمْدُ

بِـالـك . زر  
تـنـعـز . بـالـك  
حـتـى لا تـيـتـم  
اعـيـالـك

بِـالـك . زر  
تـنـعـز . بـالـك  
أرجـو ك اتـنـعـز من دربي  
لا تـسـد الشـارـع والسوق  
لا تـعـور جـسـمـك بالـكـاري  
تـرى قـلـبـي أنه مـحـروق

بِـالـك . زر  
تـنـعـز . بـالـك  
حـتـى لا تـيـتـم  
اعـيـالـك

بِـالـك . زر  
تـنـعـز . بـالـك

لا تعطيل ايـدام الناس  
لا تتأخر أعمال الديرة  
شوف طالع لا تدعمني  
أو ادعمك دعمة صغيرة

بـالك . زر  
تنـعز . بالك  
حتى لا تـيتم  
اعـيالك  
بـالك . زر  
تنـعز . بالك



## أغنية جماعية

أحنه أحنه الدواريه  
شغلنا الروح والجيه  
نرفع خيشه فوق الخيشه  
ونزلها شويه شويه

مره نشيل طن الأخشاب  
ومره نشيل شعير وعيش  
ندري شغلنا تذبحنا  
لكن بشغلنا نعيش

من يفتح باب الدكان  
يتحرك أفاد الكاري  
يغني يسمع صوت إنسان  
صوت البايع والالشاري  
نمشي نمشي ما نتوقف  
حتى يهدا صوت السوق  
واليوم اللي به نتعطل  
يعيش الواحد مخنوق

احنه احنه الدواريه  
شغلنا الروح والجيه  
نرفع خيشه فوق الخيشه  
ونزلها شويه شويه



## الجزاف

الجزاف : على سيف البحر واقف  
انظر جـيه اللـنجات  
وقلبي في الصدر خايف  
يطوف اليوم بلا اسمـيجات

الكورس : يو . يو / يو . يو . يو  
يو . يو / يو . يو . يو

الجزاف : هـلا فيهم هـلا بالضوء  
يشعل ضحكته في الجو

النوخذه : يا صـبيان يا صـبيان  
نزلوا نزلوا هـالجفران  
نبـغي تعـيـد الديرة  
ولانلقى احد جوعان

الكورس : صافي وجنعد وهامور  
احلى من لحم لطبور

الكورس ب: والصفافي من الحضرة  
متربي بدلال النور

الجزاف: جم تبغون للجنعد؟

النوخذه: مثل سعر السمج في السوق  
جم وصـلـ؟  
الجزاف: ثمان

النوخذه: والصفافي والهامور؟  
الجزاف: خمس

النوخذه: شـيـلـوا يا صبيان  
ما أبغي السمج يبقي  
او تتأخر الجفران

الجزاف: وأنـه  
النوخذه: بيع يـيـهـ بيعه  
ما تظلم أي انسان

## أغنية جماعية

أحـنه عـيال السـوق  
نـدرى مـواعيده  
وقـت الثـبر يـبـجي  
وقـت السـقي عـيده  
مـو مـن يـصـيد أـمان  
يـقـدر يـبـيع صـيده

مـن كـل عـشر أـنـات  
أحـنه لـنا أـنـه  
لـو بـعـنا مـا نـحـلم  
نـظـره مـن الدانه  
تـكـفـينا وـجـبـه يـوم  
لـو حـتـى رـبـيـانه  
السـوق يـبـغـي النـاس  
لـلـي يـرـيد يـبـيع  
يـبـغـي صـدر وـاسـع  
وـزـيـاده فـي التـلـمـيع  
وـان زـاد سـمـج هـالسـوق  
أحـنه مـعـاه نـضـيع



لمسا يـسـدش الـبـرد  
مـن يـقـسـد ر يـصـار ع  
بـر د الشـسـتـه قـفـال  
لـلـشـمـار ي و الـبـاـيـع  
و الـكـيـسـظ مـن يـطـول  
تـلـقـسـى التـعـب ضـاـيـع

## الخضار

خلالوه

خلالوه

خلالوه

سكتوا به اليهالوا

عندي بصل ورويد

فيه العطر فواح

عندي بقل أولوز

أحسن من التفاح

خلالوه

خلالوه

خلالوه

سكتوا به اليهالوا

من يشترى بربر

ويعطيني حماري

كسرة خبز يابس

أطعمه ف نهاري

يا من بغى مشموم  
عندي أنا منه  
من علقه مره  
ما يتعد عنه  
خلالوه  
خلالوه  
خلالوه  
سكتوا به اليهالوا



## أغنية جماعية بالحمير

دواره دواره

فـوق الحمير ندور  
مـن بيت الى الثاني  
حـتى يغيب النور

ها المرحله فيها  
احلنى جذب في الكون  
من نخله في البحرين  
ما في مثـلها لون

دواره دواره

فـوق الحمير ندور  
مـن بيت الى الثاني  
حـتى يغيب النور  
والـومي هالأخضر  
مـن تـربه بسيتين

والخضرة مـرويه  
من غيمه بين الطين  
في سـتـره والزلاق  
والحد والمـحـرق  
خضرة مـواسـمنا  
فيـسـها البحر يغرق

### دواره دواره

فـوق الحمـير ندور  
مـن بيت الى الثاني  
حـتى يغيب النور

## الخباز

صوت ١: عطــني واحــد

صوت ٢: عطــني اثــنــين

صوت ٣: عطــني خمــسه

صوت ٤: عطــني أنه بروبــتين

الخباز: واحــد واحــد

والكل ياخذ

لا تستعــيل

صوت ١: عطــني واحــد

الخباز: تــوك يــاي

صوت ٢: واللــه شغلــه

الخباز: موسهلــه مثلات الماي

الجميع: نشعل جمــرة بعد الجمرة

وننفخ فيها صــوت النور

وقبل الديج ما يصارخ كوكو

تلقــانا يــم التنور



- أ : أَنَّهُ أُعْجِنَ أُعْجِنَ أُعْجِنَ  
ما يـزـيد الماي على طحيني  
ب : وَأَنَّهُ أُسْوِي مِنْهَا كُورَهُ  
وَأَقَايِسِبْهَا بِجَفِي وَعَيْنِي  
ج : وَأَنَّهُ أَحَوَّرَهَا بِهَا الصُّورَهُ  
من غيـر ما حد يوصيني  
د : وَأَنَّهُ أَدْخَلَهَا وَأَنْضِيهَا  
واسحبها بسيخي وايديني  
الجميع : نَشَعَلَ جَمْرُهُ بَعْدَ الْجَمْرِهِ  
وننفخ فيها صوت النور  
وقبل الديج ما يصارخ كوكو  
تلقـانـا يـمـ التـنـور

## أغنية جماعية

من هالعرق ناكل  
من هالعرق نشرب  
لولا العمل ياناس  
معاشنا في كوكب

الـدنيا نعرفها  
حلـوه بمرارتها  
والـلي يعيش النار  
يـدري شـرارتها

الـديـره لوشتت  
احـسنه نعيش الصيف  
والـصيف لـوطول  
نعتـبره مـثل الضيف

ما نـعـطـل التـنـور  
حـتى في يوم العيد  
مـن قـال للعصفور  
وقـف عـن التغريد

من هالعرق ناكل  
من هالعرق نشرب  
لولا العمل يانس  
معاشنا في كوكب



## الصفار

دق على الأبواب في الأحياء الشعبية

### أغنية جماعية

ممن يبغي يلمع  
جـدوره يا هالناس  
أقدر أسويها  
أحسن من الألاس

لوف في جدر مكضوض  
أقدر أننا ارقعه  
وانظف الجدران  
ما اخلي أي بقعه

ممن يبغي يلمع  
جـدوره يا هالناس  
أقدر أسويها  
أحسن من الألاس

بـاجـر نـعم باجر  
بـتـرمـض الـسـديره  
والـلـي بـلـيا جـدور  
بـيـضـيـع تـفـكـيرـه

مـن يـبـغـي يـلـمـع  
جـدورـه يـا هـالـسـناس  
أقـدر أسـويـها  
أحـسن مـن الأـلمـاس

## أغنية فردية

يا بـانـات يا صـبيان  
قـولوا لاهـاليكم  
بـسرعه خـل يـجون  
ما أحـلى اليمـر يـضحك  
والرقصـه تتـواصل  
فـي داخـل الماعـون

جـدر الهـريس اللى  
فـي مخـزنه عفتـوه  
يـبغى يشـم النار  
يا هـالبـشر هـاتـوه  
نـجـد أياـمه  
ونـجـد أحـلامه  
هـاتـوه لـوطـايح  
مـنا جـديد اخذـوه

إنـدور فـي الفـرجان  
ونـطق عـلى البـيان

وينـك يا جدر الخير  
نعطـيك وتعطينا  
وتقرر أئـادينا  
مثل الشـجر والطير



## الخمَام

يزعجني قوطي في الشارع  
يزعجني قسـرطاس  
لـمـا يتحرك جدامي  
ويلصق تحت الساس  
قـولوا لـي ياناس  
ليـش الـواحد  
يـرمي أوساخه  
ويسـد وجه الناس  
أنا والله  
مـن هـذي الشغله  
صـايدني وسواس

أقضي أيامي . أقضي أيامي  
أقضي أيامي  
أمشي وأنظف وألع  
كل شي جدامي  
أنا أحلم

والله أنا أحلم  
وأحلي أحلامي  
أشوف الديره مخضره  
ولا بقعه فيها ولا غبره  
وأرفع ابهامي  
وأقول هالديره الصغيره  
أنظف ديره في هالعالم  
وأحلي الأسامي

## أغنية جماعية

من غيـــــر زعل وصراخ  
نخـــــلص الـــــديره  
من بقعة الاوساخ

نحـــــمل مخمـــــتنا  
نـــــدري الشغل موعيب  
لـــــولا مخمـــــتنا  
شمـــــس النظافـــــه تغيب

لو نتـــــرك المهنة  
يـــــومـــــين أو أسبوع  
تتـــــكاثر الأـــــمراض  
واحـــــنه نعيش في جوع

أتـــــعب ولا تـــــحتاج  
تمـــــد يدك للناس  
أي شغلـــــه مـــــثل التاج  
إتـــــرفعه فوق الراس

## صانع الفخار

من طينـه رفاعيه  
نقيـه وسهله في التشكيل  
حمـره ولا بنـيـه  
طبعـها للبـياض يميل  
أواصل مهنة أجدادي  
جيل يلتقى بالجيل

أصـب الماي فوق الطين  
وأعـجنـه بتـعب ريلي  
وأمد جسمي مع الدولاب  
وأشـر له وهو يجي لي  
وأسـوي شي ما قط صار  
يـردد كل مواويلي

عـالي منـهو ينساها  
إذا مـر فيـها وتـجول  
يشـوفني أنه واعيا لي  
أيـادي في العرق تعمل



كدو . جحله . جرار صغار  
مبـاخر من زمن لاول

والجـحـله الـرفاعية  
معـروفه بجمال اللون  
زرقـه من بحر غبه  
وحـمره من لهيب الكون  
والنقشـه اللى تلبسها  
وردة من عصر دلون

## أغنية جماعية

خمـس الألف سنـه وأكثر  
مـن أحـسنه بدينـا  
نصـنع الفـنـجـار  
لا تسـألون ما يـحتـاي  
قـلـم وكـتـاب أو دفتـر  
ولـكن سـألوا هـذي النـار  
جـم واحـد نقـش قلبه  
وجـم واحـد رـسم حبه  
وجـم واحـد  
مضـى تـسـارـك  
لـنا فـي خطـوته أثار

بـها الجـفـين سوينـا  
مـن الطـين الرـفـاعي  
أجمـل الأخـسـتام  
ولـفـينا بـها فـي الـهند  
ولـفـينا بـها فـي الـسند

وخليناها  
تتناثر على الأيام  
بها الجفين  
جمعنا حكمة الدنيا  
تـراب وريح  
وماي ونار  
ونظرة دائماً  
تنظر الى الجدام

## المسحّر

لا اله الا الله  
سحور يا عباد الله  
لا اله الا الله  
سحور يا عباد الله

أقعد يانسايم  
وعساك الدايم  
ما ينسى الصايم  
مره ذكر الله

لا اله الا الله  
سحور يا عباد الله  
لا اله الا الله  
سحور يا عباد الله

أشرك لي بنورك  
وبرز سحورك  
وأمسك من تسمع

تكبيرة الله  
لا اله الا الله  
اسحور يا عباد الله  
لا اله الا الله  
اسحور يا عباد الله

يا الراقد لا تحاتي  
أنا أدري دقائقاتي  
بتقعدك تتسحر  
وتتشكر الله

لا اله الا الله  
سحور يا عباد الله  
لا اله الا الله  
سحور يا عباد الله



## أغنية جماعية

يَهْنَأُنا البَشْرَ بالنوم  
واحِـنْـه اللى سهرانين  
نتَقْـسِـم الديره  
ونَـقْـطُـظ الطيبين  
وكِـل واحـد منا  
ويَـطـبـل اثنين

حَـتَّى وَلَوْ نَسْهَر  
مَاقْـطُ سَأَلْنا ليش  
يكفِـنَـا يَـوم العيد  
جِـلَـة شَـكْر أَوْ عِش  
واخـر يَـدْه صغيره  
أَحْـسَن مَن المامِش

واجيـنَـا شَـهْر الصوم  
نَـدْـو رَـعْـلِـى الفرجان  
ونَـخْـلِـى طَـبْـلِـتْنا  
تَضْـرَبْ عَلى الجدران  
وتَـقْـطُـظ الديره  
بِالْـكَلِـمَـه والألحان

## زري عتيج

من عنده زري عتيج  
من عنده مو عتيج  
من عنده أخـيـاش  
من عنده جدر عتيج  
من عنده مرش عتيج  
أو دلـهـ واغـراش  
وأعطـيه كل شي جديد  
من صين ، معدن أو حديد  
أعطـيه ببـلاش

- أ - عندي غوري  
منخفوس شوية  
ب - هاتيه وأعطيج  
أ - شنو بتعطيني  
ب - هذي الصحن  
أ - لا. أنا أبغي صفرية  
ب - لا. لا مايصير  
ما يصير يا بنية  
اخذي الصحن

أ - قلت أبغي صفرية

ب - اخذوها لو أخسر

رزقي على ربي

في الروححه والييه

ج - عندي انا خيشه

أ - بس خيشه

ج - لا ثنتين

لصغيرة كانت للشكر

والعودة للعيش

أ - أخذي هالبياله

ج - لا. أبغي صحن

أ - والله لو طار الزمن

غيرهذي ما ميش

## أغنية جماعية

قبل الضحى بشوي  
نرتب الكاري  
ونعدل الغترة  
ونسدور على الفرجان  
نردد الألهان  
نبيع ونتشري

بين الجذع والخص  
برجسه وسطها نخوص  
لكن بلا ربان  
لخياش مصفوفه  
واغراش من طوفه  
والبيت بلا بيان

كل شي نعم كل شي  
مكطوط بينفع  
حتي ولو مكسور  
بشوي صبر عامل

حتسى الجزاز يعود  
أحسن ممن البلور

كل شغله في الدنيا  
محتاجه للبسمه  
وتبغى تعامل زين  
نمشى ولا يهـمنا  
مادمنا نبغى نعيش  
ماتتعب الـريلين



المقهوي ( صباب القهوة )

( صوت فناجين )

تك . تك

تتك تتك تتك

تك تك

تتك تتك تتك

يا مـن بـغى القهوه

القـهـوـه في الدله

تك تك

تتك تتك تتك

لا تقـول ولا تحجي

ها القـهـوـه تكفيني

بس حـرك الفنجـان

صوت : أهلاً يا ولد العم

شـهـريـسـن ولا تبين

المقهوي: أعـذرنـي ما أقـدر  
أصـافـح ايـديـنـك  
يا سـيد الـسـرفـجـان  
ايـسـديـني مشـغولـه  
اليـسـري للـدلـه  
واليـمـنـي للـفـنـجـان

صوت : فنـيال لو تـسمـح  
المقهوي: القـهـوه طـول الـوقـت  
مرفـوعـه حـق النـاس  
صـبـح وعـصـر ولـيل  
تغـيـر القـعـده  
وتـطـير النـودـه  
وتـجـعل طـريـجـك هـيل

## أغنية جماعية

أرشف قطره  
بعدد القطره  
واغسل جبدك  
وأطلب عشره  
وندرى ودك  
تطلب زود

بعدد التمره  
إشرب قهوه  
بعدد الحلوه  
إشرب قهوه  
وإن ما يكفي  
نعطيك  
هالفنجان العود

من تنرفز  
إشرب قهوه  
تعديل راسك

ومـزاجك يرجع  
واحـساسك  
وحـماسك  
للضحـكه يعود  
فـي بيتك  
والسـوق  
والمـيلس  
مـن تـهمس  
الـدله تجي لك  
وتـلف حولك  
أنت الخيمه  
وفناجين القهوه جنود

## القلاف

اجدح . اجدح  
يا مجـداحي  
واتقـلب  
على جـفي وراحي  
ما دمنـا في اللـنجـه نـعمل  
إنـته تـواصل  
وأنا صـاحي  
اجدح اجدح  
يا مجـداحي

صوت المـيـشاره يـغني لي  
ويحسـسني بطـعم آلاه  
والجدوم يحفر في صنوبر  
والمجدح يركض لي وراه  
أـتـعب وانـسى كل أـتـعـابي  
لما الناس تقـول الله

أنه لما أسوي محمل  
ما يهتز في الريح ويميل  
الهـوري ما بين المركب  
والفرضه بس للتوصيل  
والـواريه غير البغله  
والشـوعي غير البتيل

أدري أنا مـرتي تطردني  
لما تشم الصل في الثوب  
الصل يطرد سوس العالم  
اشـلون ما يطرد محبوب  
شنهـو أسوي شنهو أعمل  
عن شغلتي ما أقدر أتوب

تعرفـني الديره وأهلها  
لما اتمشى بين السوق  
واحد يعزمني في القهوه  
والثانـي يعدم لي ريق  
لكن والله الشغله خطره  
أكثر من شـيل الطابوق

## أغنية جماعية

في نعيم وراس رمان  
وفي ويـــــــــــــــــه لـحرق  
احـــــــــنه بمجادحنا  
نـــــــــوقف على الأزرق  
نبـــــــــني خشب من ساج  
في الغـــــــــبه ما يغرق

بيـــــــــص الخشب هيكل  
وضـــــــــلوعه من صوبين  
مضـــــــــبوطه بالقبان  
ومـــــــــوزونه بالجفين  
حســـــــــب الطلب نعمل  
بشـــــــــراع أو اشراعين

من يـــــــــكمل المحمل  
تتـــــــــبنت الليـــــــــحان  
ونـــــــــركب الفنـــــــــه  
كل لـــــــــوح وله ميزان



وان خلّص الـتريـج  
صار الـدقل شـدان

شغـلـنا ما تـخلّص  
وما تـنتـهي الـلمـه  
الا بـفتـيـله وـصلـ  
ايـوقـف الـيمـه  
والـهـجـج الـلـمـحـمـل  
يـحـمـيـه ويـلـمـه

## الحصا

بألهيب أنا بألهيب  
أطلع اللقمة  
من موجعه مثل النار  
بألهيب وصوت الهيب  
إضرب على هالفشت  
حتى يصير أحجار

في ستره والسايه  
وأم الحصم ودرار  
وحالة أم البيض  
أقضي عمر عمري  
انزف حزن في البرد  
وأشرب تعب في الكيظ

وقت الثبر أضرب  
فشست البحر وأنظر  
عند السقي في السيف  
في الفشت أنه ادري

لا شرَاعــــك ينفعك  
ولا ينفعــــ التجديف

اللقمــــه غداره  
مــــثل البحر تغدر  
باللــــى يصارعاها  
واحــــنه تعب حافي  
لي راحــــت القوه  
منــــهو يرجعها

لفروش الأقوى من جسمي  
هالــــراقـد في بطن الكوع  
لو نبقيــــي يوم أو يومين  
أو نبقي في طول الأسبوع  
ما نترك له فرصة ونوقف  
لو نوقف متنا من اليوع

## أغنية جماعية

في الفشت

الفشت

الفشت

نرمي القله بعد القله

ونضرب بالهامه والهيـب

في الفشت

الفشت

الفشت

نكسر صخره بعد الصخره

ونوقف لما الشمس تغيب

كل شي مبني في هالديره

احنه اللي كنا يناه

طوفه هبطه والا رفيه

أو وارش احنه قطعناه

أو بادكير ينظر للعالم

ويسحب منه أحلى هواه

## المنادي

يا هو يا هو

يا هو

من شاف صـغير

عمره ثلاث سنين

فـوق راسـه قـحفـيه

مجـفـوسـه مـن صـوبـين

يا هو

يا هو

يا هو

مـن شـاف صـغير

هـدّـامـه عـند العـين

يـخـبرنا مـن شـافـه

وـنـعطـيه زـيـتـين

يا هو

يا هو

يا هو

من شاف صغير  
ماشى بلىا نعال  
أمه بحر تبجي  
و حال الابو مو حال

يا هو

يا هو

يا هو

من شاف صغير  
له شامه تحت العين  
من شافه يـرده  
حق اهله يا طيبين

يا هو

يا هو

يا هو

## أغنية جماعية

لو ضاعت العنزّه  
أحسّنه نفز فزّه  
ونرجع الضايح  
وان ضاع لك ياهل  
نمشط الديره  
شارع ورا شارع

ديرتنا ديره خير  
ما فيها ذيب يصيح  
أولبوه أو غابات  
لكن إذا ضاعت  
أي طفله في الديره  
تلقى الجميع أصوات

لو قالوا في ستره  
طفل ترك أهله  
ما تركه لو يوم  
ندوره في عسكر

وقلالي والزلاق  
وعذاري وأم شعوم

جمعتنا مثل الريش  
بين الجناح يكون  
دفوه لكل بردان  
في كل فريج نعيش  
نحزن مع المحزون  
ونرافق الفرحان



## الحداد

بين اليمر والنار  
أقضي أنا عمري  
قلبي مثل مسمار  
والمطرقة صدره

عايش وسط حفرة  
وأشرب هوا الدخان  
والمطرقة في جفني  
ما تفارق السندان

أشعل حديدي بنار  
واضربه وأطفئه  
واللي اطلبوه مني  
بزندي أسويه

أنه مهيب مسمار  
والدنيا تضربني  
لكني مثل النار  
أحرق عشان ابني

## أغنية جماعية

وسط الحفرة والتنور  
غير اليمرة شي ما ميش  
نشقى ونعمل  
ففي هالمعمل  
حتى نبقى وحتى نعيش

وشتبغني قول ونسويه  
لكن خل قولك معقول  
هيب وجدوم وصخين  
ومحاش أقوى من سجين  
ومن اجل عدله وقفول

نضرب في الساخن ولا نوقف  
حتى يسهل لنا ويلين  
نصنع ابرة حق اشراعتك  
نصنع حـدوه  
نصنع هـناون  
ونصنع تاوه من صوبين

أَسْأَلُ عَنْ صَنَعَتِنَا الْعَالَمَ  
أَسْأَلُ قِصَافَ وَنَجَارِ  
الْمَسَامِرِ الَّتِي نَسُوهُ  
مَا يَتَغَيَّرُ وَلَا يَتَكْسَرُ  
يَهْدِمُ طَوْفَهُ وَلَا يَنْهَارُ

## الحواج

أ : بطـني يعـورني  
أنا بطـني  
بطـني يعورني  
بشـنـهو تنصـحني

ب : أنـصـحـك بالـزموتـه  
وبـيـالـه مرقدوش  
أو ملـة كوزبون  
مخلوطـه بـحـندبان

أ : ويروح عني الالم ؟  
قول خبرني يا عم ؟  
بطـني صاير حريجة  
وراسـي صاير دخان

ب : ترجـع صاـحي وتـتناكـز  
عقب ساعـه زمان

أ : وان مافاد العلاج

ب : تحتاج عشرح ...

أ : أخاف  
من هالعشرح اخاف

ب : العشرح يا صديقي  
يعالج كل شي  
تسع وتسعين عله

أ : وين العله الاخير

ب : المسوت ماله علاج

## أغنية جماعية

كل نبته في العالم  
تملك خصايصها  
مهـما ورقها طاح  
بعض الورق مرهم  
وبعض الورق ينشم  
ومن يشربه ما طاح  
لامراض في الدنيا  
مقفولـه في صندوق  
واحـنه لها المفتاح

برنـا حمل أعشاب  
احـنا كشفنا شوي  
منـها وبقي الاكثر  
قرص العسل للعين  
وللقـلب قرص الثوم  
وحق البـطن زعتر

لو احـنه نتأمل

ونركب الاعشاب  
لامراض ما تظهر

نستورد العشب  
من قيريه هنديه  
أوساحل زنجبار

ونجفف الحلبه  
وندقها بالهاون  
ونحميها من غبار  
نخلطها ونركب  
منها دوا ينفع  
من يشعر بالدوار

## الحناية

المرأة : خضار يا خضار

الخضار : لبيع يا مريه

المرأة : مـمـرت ثلاث أيام

وكل يوم أتريه

وين اللي وصيتك ؟

الخضار : بشنــــــــــــــــهو وصيتيني

ما أذكر أنا ذكريني

المرأة : وصيتك بحنه

خضره أيسها

وأطحنها طحن الحب

وفي صره أحبسها

الخضار : أقول حق نفسي

أقول وش ناسي

الحنــــــــــــــــه موجوده

في المرحله تجاسي



- المرأة : عطني وخذ  
الخضار : شنهو ؟  
المرأة : حقك مع فلوسك
- الخضار : لا يايسبه ما يصير  
المرأة : حقك ولا ترده
- الخضار : الحـنه مثل الشوق  
والضحـكه والورده  
الحـنه ما تنباع  
يامريسه بالخرده
- المرأة : اشـلون أرد الدين  
الخضار : لا دين ولا إحسان  
لكـن إذا عرست  
أيـج تحـنـني
- المرأة : واحـني امريتك  
بعـيوني وايديني

## أغنية جماعية

الحنـه للاعراس  
والحنـه في العيدين  
والحنـه فوق الرأس  
تطـبي لهيب العين  
ودو تعب هالريل  
حنـها في الريلين

أ : حنـني حنـني

يا يمه حنـني  
أنه أبـغي ايـديني  
منها البنات تقار

ب : وأنه لا تنسيني  
أبـغي أنقش ايديني  
بنقشه مختلفه  
عن كل أهـالي الدار

أ : وأنه أخـاف يكون  
الحنـه في الماعون

زايـد عليها الماي  
والا الصبـغ عيار

الحناية : حـناي أنا اعجنها  
واخلطها باللومي  
لو تنقلب مره  
وتطيح على هدومي  
تبقى سنين و بنين  
وأقول لها دومي  
قعدوا احنيكم  
قعدوا يا نور العين

أ+ ب : الطـرق ما يكفي  
نقشي لنا طرقين

الجميع : مثل الضحك في الويه  
والكحل وسط العين  
واللهجه هالحلوه  
جـنها جداول عين  
حـنتنا معروفه  
وموصوفه في البحرين

## البنائي

الاستاد: معيوف ويابو حسين

صفوا الحصى صفين

وانته يا بوراشد

بين قاعد وراقد

برز رمل

اكسر حصى

قوم حرّك الجفين

بوراشد: شاسوي يا ربي

من طلعة الغبشه

حتى للامسيان

ايديني مرتعشه

يص وحصى

من شغلة البنيان

ظهري استوى ليان

الاستاد: خلصنا بوراشد

بوراشد: اشلون اخلصك ؟

الاستاد: ما أبغي حجي وايد  
بوراشد: وشتبغي خبرني

الاستاد: أبغي شغل فوق الشغل  
أبغي عمل فوق العمل  
والبيت هـذي البيت  
لازم يا بـوراشد  
يخلص في وقته

معيوف: برزت أنا الدنجل  
وصبغته ضد السوس

حسين: وبرزت أنا الحصران  
وحطيت عليها فروش

الجميع: ياهاالربع  
ما يرتفع  
بيت صبح  
الا بشغل شدان

## أغنية البناء

لا. لا. لي. لي. لا. لا. لي. لي.  
لا. لا. لي. لي. لا. لا. لي. لي.

أ ناولنه يا معيوف

ب ناولنه يا معيوف

ا ناولنه يا معيوف

ب بكلمه الاكبر

ا من هالحصى المصفوف

ب أحلى من المرمر

أ نشكله وتعبنه يكون

ب ويالعرق أمطار

أ لو مو تعسب لعيون

ب ما صارت الاشجار

أ ياللي عليك الدور

ب أحذف لنه الليان

أ	فشت البحر في الخور
ب	باجر يصير بنيان
أ	احنه وضعنا الساس
ب	بنرفعه مثل جبال
أ	اللى بنسى للناس
ب	يبقى فرح موال

## النساج

مجموعة : بين البوارق باخوي  
بين البوارق  
داخلها واحد يعمل  
والثاني توه صغير  
في الحـيره غارق  
بين البوارق ياخوي  
بين البوارق

المشترى : أبغـي اوزار زين  
يقدر يعيش سنتين  
النساج : تبغـي اوزار بوصبيع  
والا اوزار بـو دامه  
تبغـي بالوان ثلاثه  
والا تبغـي بلونين

المشترى : أبغـي بودامه أحسن  
النساج : ارجع عقب يومين



النساج :

يالس في الحفره وايديني

تنسج وتلحم

أطرش خيطي ويرجع

للبلأقسي يلتم

وريولي من تتحرك

شغلي يتنظم

للبنات السمره الحلوه

وسط المنامه

اسوي ارده واطرشه

مثل الحمامه

واهدى حق يرضى اخوها

اوزار بو دامه

## أغنية جماعية

اسـأـل قـرى سـتره  
واسـأـل هل البـديع  
عـن هـالنـسيـج الـلى  
بـلـونـه ما يـضيـع  
اوـزار بـنـي جـمره  
وارـدة أبـو صـيـبع

بـين الكـريب وسـلاه  
نـتـعـب ولا نـقـول أه  
نـنـسى الأـكل  
نـنـسى الضـحك  
نـنسى السـهر نـنسى الفـرح  
وشـغلنا ما نـساه

خـيـط وخـيـط وخـيـط  
وكـل الخـيوط تـمر  
فـي الـيـمـنى والـيسـرى  
وتـسـوي لك اوـزار

ما دار ابد في البال  
أقوى من الكتان  
وأحسن من ابرسم

الحرفه لون العين  
الحرفه لون الويه  
الحرفه مثل الدم  
احسنه ورثناها  
ونورثها للاجيال

## السقاي

السقاي :

تعبان تعبان تعبان

ذابحـــــــــني هالينودان  
بيـــــــــن كندر وكندر  
أتمــــــــشي واتـــــــــكندر  
جـــــــــني مثل محمل  
طـــــــــاح الدكل منه  
وتشـــــــــلخ السكـان

امراة أ :

يالـــــــــلي تبـــــــــيع الماي  
دخـــــــــل لنا ادرا مين  
ليحـــــــــال طمها طم

السقاي :

حاضـــــــــر أنا حاضر

امراة أ :

ما تقـــــــــول ليش واقف

السقاي :

فلـــــــــوس يا حرمه

صـــــــــاير لها شهرين

امراة أ :

خلـــــــــها عقب باجر

السقاي: يعــنني على الطوفه

اخــط بعد خطين

امراة أ: اتــرس لي بك صغير

واشــحن لي جدوري

وان زاد مــنه شوي

اشــحن به الغوري

السقاي: والحب !!

امراة ب: من يومين

طــاح مني وتنتف

والحــين محتاره

محتارة محتارة

بيــت بليا حب

مفضــو حه اسراره

للجــار والجاره

السقاي: عــين وصابتكم

امراة ب: والعــين لي صابت

السقاي: تغــرق المركب

وتطــيح الدوري

## أغنية جماعية

ماي حنيني

ماي حنيني

ماي حنيني

ماي

من غيره

ما تســــــــــــــــوي وجبه

أو حــــــــــــــــلوه أو جاي

ماي حنيني

ماي حنيني

ماي حنيني

ماي

من أرض الرفاع الحلوه

ينبــــــــــــــــع هالجلب

يتوزع على طول الديره

بعــــــــــــــــيد وجريب

ومن يشرب قطرة لحنيني

ما يحــــــــــــــــس باللهيب

ها الماي اللي كنا نوصله  
على جمال وحمير  
أحلى من زلال المطره  
وأحلى من غدير  
ولو ماها جليب الغالي  
ديرتنا سعيير

للجسره وجو ومحرق  
نمد لك حبال  
ونقول لو قلالي بعيده  
والا بنو غزال  
أمر وتلاقينا قبلك  
بالماي الزلال

## الدلال

الدلال : منهو يحجي ؟ منهو ينطق ؟ منهو يقول  
خاتم فضه . زين صبعك فرح عينيك

الرجل : جم يقول ؟

الدلال : روبيتين

الرجل : لا لا لا اثنا عشر أنه

الدلال : محد تم لحظه في دكانه

الرجل : ما يسوي هالخاتم أنه

( الدلال يترك الرجل ويتحرك الى مكان آخر )

دلال : فص فيروزي فص الحيه

لبسه في صبعك واتريه

وما يحسني روحه أوجيه

حتى تحلل أصعب قضيه

فص فيروزي فص الحيه

منهو ينطق منهو يحجي منهو يقول



دلال ٢:

لا تدور في السوق وتسأل

لا تتسلف وتطوف

عندي لك شيء غالي

جرب قايس وشوف

قمصان اميريكيه

والاميريكي معروف

وجواتي لندنيه

والبوز فيها موصوف

وقحافي جابانيه

أحسن من غزل الصوف

لا تتسلف وتطوف

جرب قايس وشوف

## أغنية جماعية

في ســــوق المقاصيص  
الكل فــــي حيص وبيص  
المفلس بايــــع ثوبه  
والشــــاري دوبه يدور  
عن ثوب يصلح ورخيص  
لا تــــدور عن شي كامل  
واجــــازه أو ترخيص  
انته انته انته انته

في ســــوق المقاصيص

نتــــوسط بــــين البايع  
والشــــاري بالأصوات  
نحــــاول نقــــنع واحد  
والثــــاني يقول هيهات  
ونســــاوم مــــهما نساوم  
نقــــول في الآخر هات  
وان مشــــينا أي بيعه  
طــــارت مــــنا البيزات

البــــــــــــــــايع من روبيه  
يعطــــــــينا عــــــــشرانات

شغــــــــلتنا تبغبي ضحكه  
ودرايــــــــه في التلميع  
من يــــــــكبر واحد منا  
وياجــــــــر والا يبيع  
بيــــــــوت وارضبي التصنيع  
تشــــــــوف حدوده مورده  
وأياــــــــمه كلها ربيع  
واللــــــــى يــــــــبقى يتمنى  
ما يــــــــمر يومه ويضيع

## الطواش

- الطواش: يا نـوخذه المحمل  
محمل أبو دكلين  
النوخذه: من وين ؟  
من هير ابو تسعين  
الطواش: انشالله متوفقين  
النوخذه: أفضل سنه مرت  
مرت على البحرين  
الطواش: ذيل أو بطن  
الغاصة: لا لا  
الطواش: بوكه من الناعم  
الغاصة: لا لا  
الطواش: حصباه كبر مثقال  
الغاصة: لا لا  
الطواش: دانه بحر ظلمه  
الغاصة: لا لا  
الطواش: ما أعرف أنا لولو  
أكبر من الدانه

النوخذه:	بيضه مزيونه
	جنها بنات الجان
	وفي يوفها الوردي
	تـنـاثر الالوان
الغاصة:	جيوان . جيوان جيوان
	جيوان . جيوان جيوان
الطواش:	باعطـيكم البغله
	وعماره وسط السوق
الغاصة:	لا لا لا لا
النوخذه:	خل نوصل البحرين
	ونحـكم الميزان
الغاصة:	جيوان . جيوان جيوان
	جيوان . جيوان جيوان

## أغنية جماعية

عقــــــــــــب ما تبتدي الدشه  
نعــــــــــــد العده للهيرات  
ما يهــــــــــــمنا حجي الدالوب  
ولا توقــــــــــــفنا سرايات

ومن هــــــــــــير الى عاشر  
ترانا عــــــــــــيون على اللنجات  
نــــــــــــدور على اللؤلؤ  
ونــــــــــــدور على الدانات

ومن أــــــــــــلى طبايعنا  
لانــــــــــــزل ولا نركب  
إذا يفلقون في المحار ويقطون  
أو تــــــــــــاجر على المركب

على الدجه في وسط السوق  
بلا ضــــــــــــجه ولا تشويش  
نبيــــــــــــع ونشتري ونعيش

وَحَقُّ الْهِنْدِ  
حَقُّ السِّنْدِ  
حَقُّ بَارِسِ  
تَطِيرُ الدَّانَةُ وَالِدَانَةُ  
وَمِنْ خَيْرِ الْبَحْرِ  
مَنْ غَصَّهِ انْسَانُهُ  
جَزِيرَتُنَا الْجَمِيلَةُ تَعِيشُ

## (موال) الغيص

محكوم عمرڪ في الصدر يا قلبي وين تروح  
الغصه في عيونك حجر والدمعة بين الروح  
مامره دشــــيت الهوى الا رجعت جروح  
الناس تركــــض في الهوا وانت ورا بابك  
خايــــف يعاديــــك الدهر ماجنه تبابك  
لاتظــــل ورا سور الحزن لاتهجر أحبابك  
الــــناس من غير الهوى جسم بليا روح



## الغيص

النوخذة: هات الحبل

أ : حاضر

النوخذه: هات الحديد

ب : حاضر

النوخذه: وانت يا ولد حسين

الغيص : افطامي في خشمي

قفازي في الجفين

والصخرة في ريلي

ورقبتي في الدين

أمـر وتلقاني

اطب على الريلين

النوخذه : ربطوا الحبل

الجماعة : مربوط

النوخذه : حطوا الصخر

الجماعة : محطوط

النوخذه : سم بالله وتوكل  
الجماعة : سمينا بسم الله

النوخذه : ويجي لك التوفيق  
الجماعة : لارزاق من الله

الغيص : في الكوع . بس في الكوع  
أبطل عيوني  
وأتمم مع المحار  
واحطه في الدين  
وليمن وصل حدي  
وانقطعت أنفاسي  
أحرك أحوالي  
وأطلب من اللي فوق  
يسحبني للعلي  
وأطلب من الرزاق  
محاره أو ثنتين  
تغير أحوالي  
وأحوال كل مسكين

## اغنية جماعية

أ : شهرين وثلاثة في الغبه  
ب : معزولين  
عن هالـعالم معزولين

ا : شهرين وثلاثة في الغبه  
ب : والسحبه مخلوطه بغصه  
والقطره مخلوطه بملحه  
واوزار الواحد نصين

أ : شهرين وثلاثة في الغبه  
ب : فوق المايه تحت المايه  
جنسه الواحد لما يسأل  
يغرز في يوفه سجين

أ : شهرين وثلاثة في الغبه  
ب : من أمن من حرق الدول  
ما أمن حلق اليريور  
أو ضربه من بوسيفين

أ : شهرين وثلاثة والرابع  
ب : ما نسمع ضحك الاطفال

أ : شهرين وثلاثه والرابع  
ب : الكل يحلم بالذات  
تغيير كل الاحوال  
وتخلي فرحتنا العوده  
تكبر في يوم القفال

## السماج

طفل : أبغبي أحـدق

أبغبي أصيد

وحق اهلي اوزع صيدي

مثل اللحمه يوم العيد

السماج : اصبر اصبر لا تستعجل

لو ما يصبر كل حـداق

ما ينقد خيطه زمرور

طفل ٢ : ودني

السماج : وين تبغبي اوديك

طفل : أي قطعه متروسه بجنعد

واسبيطي وشعري وهامور

السماج : كل قطعه ومدينه وقريه

وجـزيره وحاله او بندر

مشهوره بنوع او نوعين

وثلاثه واربعه او اكثر

طفل : الصافي

السماج : يـربى في ستره

طفل : والشعري !!  
السماج: ساحل لبديع

طفل : والجنعد  
السماج: بحر الزلاق

طفل : والكبك  
السماج: في الحـد وعسكر  
مبـطل حـلقه  
ويشـوفك من فشت الخور

طفل : ولا سبيطي  
السماج: لاتتعـب روحك  
بس اتبـع أي غيمه ميد

طفل : يالله ودني يا بو عبيد  
أبغـي احـدق  
أبغـي أصـيد  
وأحـس مـره بطعم الصيد  
يالله يالله يا بو عبيد

## أغنية جماعية

الـدنيا مـن صارت  
واحـنه مـع المايه  
منا تهـم وسـايلنا  
دام السـمج غـايه  
نـدخل بحـرنا بلنج  
ونـدخـله مشـايه

نطـلع مـن الغبشه  
ونـهد لـذيد النوم  
للحـضره تـمشى  
ونـدور المـجسوم  
مـره نصـيد صافي  
ومـره عـفاطي وعوم

نسـمي بـسم الله  
ونـصـب غـزل في الخور  
ونـبـاري كـل ساعه  
حـتى يشـب النور

ارزقنا يا رزاق  
خسباً طه أو يسريور

نعبر صخور الفشت  
ونددور الجسيبال  
ونباري كل قرقور  
مشدد بحسبال  
ونتمني يرزقنا  
ربنا ولو باعوال



## النجار

- الزبون : أبغني تسوي لي شبريه  
ومرفاعه وكبت ونمليه  
النجار : أتصّور انك بتعرس
- الزبون : لا تقاطعني خلني أخلص  
النجار : واصل طلباتك
- الزبون : اكتبها  
النجار : ما يحسني قلبي يحفظها
- الزبون : أبغي .. أبغي .. أبغي .. أبغي  
النجار : وشتبغي مني وشتبغي؟
- الزبون : ميسر صغير حق الميسر  
يحمل غوري ودله قهوه
- النجار : جم رفعه؟  
الزبون : شبرين وشويه

النجار : وطـوله وعرضه

الزبون : ما يزيد عن طول الصينيه

النجار : شـنـهـو عندك من أخشاب

الزبون : أي أخشاب

النجار : سـاج وماهو جني وهوك

وصنـوـبر جوفه مصكوك

واللى يبغى الشي الغالي

يدفع له من غير حساب

الزبون : وشارايـك نتلاقي باجر

ونروح نـدور اخشاب

النجار : تلاكيـني في الصبحيه

واقـف انطـرـم الباب

باعطـيك لما اخلص شغلك

شي يبقـى في حياتك آيه

الزبون : اشتعطيني

النجار : كاروكـه صغيره ومشايه

## أغنية جماعية

شيط شيط شيط

ننشـر خشب فوق الخشب  
ونـدهن المـنشار  
ونحـط خشب فوق الخشب  
ونطـقه بالمـسمار

حـتى إذا كـمل  
نبغـي شـغلنا يكون  
مثـله أبـد مامـيش  
نعـدله بالشامي  
ونصـبغه بالـورنيش  
المطـرقه المـره  
تاكـل أصـابعنا  
من يقـدر يعـاتب  
هالمطـرقه مـره  
وهو عليـها يعـيش

فـفـوق الظـهر عـده  
وـفـي المـخـبـا جـم مـسـمار  
وـاـحـنـه شـبـه لـطـيـور  
فـي كـل فـرـيـج نـدـور  
نـصـلـح المـسـاـيـل  
وـنـعـدـل المـكـسـور  
شـبـريـه مـهـزـوزـه  
نـمـلـيـه مـن غـير تـور  
وـبـاب انـكـسـر نـصـين  
وـدـريـشـه حـق النـور  
وـالـا قـفـص طـايـح  
يـم الكـبـت مـهـجـور

لـكـن مـصـيـبـتـنا  
رـغـم الشـغـل لـلـنـاس  
نـلـقـي الخـشـب  
أـي شـي خـشـب  
فـي داخـل البـيـت الـذي شـال العـمر  
مـن هـا التـعـب مـكـسـور

## المحسن

- الزبون : شـيـل راسي شعره شعره  
المحسن : تـفـضل اقعد  
الزبون : ابغـي صلعه احسن صلعه  
المحسن : انشا لله . اقعد  
الزبون : اعـذرنـي . أنه وسواسي  
المحسن : ابغـي فـوطه . غير هالفوطه  
المحسن : هاـذي احـسن فوطه عندي  
مغسـوله في عين الدوبيه  
ومكـويه بغرشه وثنتين  
الزبون : زين زين  
والموس !!  
المحسن : للـحـسين في قرطاسه  
يقطـع شعـرك من صوبين  
الزبون : زين زين  
ومقصك !!  
المحسن : أصـلـه شـيرازي  
ما يتعب حتى في سنتين

الزبون :	زين زين وبروشك!!
المحسن:	جــــــــــــــــابانسي ريشه وجفه مصـــــــــــــــــبوغه بلونين
الزبون :	زين زين الحــــــــــــــــين قلبي انه ارتاح
المحسن:	واللحيه تبغــــــــــــــــي تتعدل او تنشال
الزبون :	حتها حت
المحسن:	والشارب!!
الزبون :	تشــــــــــــــــيل الابيض منه تدري
المحسن:	أدري شنهو؟
الزبون :	( يهمس )
	اتصبـــــــــــــــــغه باللون الأسود
	واعطــــــــــــــــيك نص روبيه زود
المحسن:	يعني
الزبون :	بس لاتعلم أحد
	تري عــــــــــــــــمري أنه مب عود

## أغنية جماعية

احنه احنه احنه احنه

بمناظر فيها طاووس  
تزيّن وجوه العالم  
وتطأونا كل الرووس

لا تخش رأسك تحت الغتره  
والقحفليه والكبوس  
جرب منا خل يتهوى  
رأسك والشعر المحبوس

أقعد لحظه ما نتأخر  
ونسوي لك صبعه بموس  
ولو تبغني تنشال اللحيه  
ونخسلي خدك ملموس

لو تطلبنا في بوزيدان  
وعذارى والا جسجوس  
تلقانا نحضر في ساعه  
بالفسوطه ومقص وموس

في العيدين تزيد الشغله  
والمخسبا يرقد متروس  
واليوم اللي مافي شغله  
نعتبسه يوم منحوس



## صانع القراقيز ( عمال )

- عمال ١ : قوم تريقق فندوس حلوه  
عمال ٢ : وإشرب لك فنايلين قهوه  
عمال ٣ : حتى ترد للشغله أقوى

الجميع : قوم قوم من هالقعهده  
يا بوجسوم

بوجسوم : جيف اقوم ؟  
جيف اتحرك والاسيام  
جدامي أكوام أكوام !!

- عمال ١ : هدها عنك  
عمال ٢ : والله لـو كنت أنه منك  
ما اخلي ريسوقي يتأخر  
لو كان حتى نتفه عوم  
عمال ٣ : وأنه يا خويك أنصحك  
قوم انتف من هالمجسوم

بوجسوم: والسـمـاج اللى واعدته  
أخـلص له هالقرقور  
رايح ياي مثل الجاروخ

عمال ١: بطـين القرقور خلصته  
عمال ٢: أنه باسـوي لك تفره.  
عمال ٣: وأنه باسـوي لافجوج

عمال ١: قرقور صغـير خلاك  
تأخـرنا عن وجبتنا  
عمال ٢: شنهو لو بتـسوي ابتر  
عمال ٣: أو بتـسوي لك دابوي

بوجسوم: فكـوني. يالله فكوني  
بهدلتـوني أدري أدري  
تبغـوني أصب القهوه  
وأبطل قـوطي الحلوه  
ما أدري أنه والله ما أدري  
شنهو بتسوون من دوني!!

## أغنية جماعية

سيم وسيم وسيم وسيم  
نسحبهم نعويهم  
نربطهم ونخليهم  
أقوى من دالوب الخور  
وأقوى من صخرة بيم

الهامور في فشت اليارم  
يا فـرحتنا بالهامور  
لما يدخل مثل المعرس  
ويلف في الابترويدور  
والا في الدابوي بيضحك  
أوتريق في القرقور  
صيد القرقور صيد غانم  
ما يذبح كبكب وزمرور

الصافسي والينم في ستره  
والنبيه أم الشعريه  
وكباكب عسكر وقلالي

يتريــــــــــــــــونك يبه ليليه  
اتركهم يــــــــــــــــومين وثلاثه  
ما يحــــــــــــــــتاي روحه أو ييه  
في القرقور بس في القرقور  
تلقى اسمــــــــــــــــجه حيه وطريه

## سَفَافَة

الرجل : يا خاله . يا خاله . يا خاله

أبغسي سفره

حمره وخضره

تتعلق في وسط الحجره

السفافة: حق جم واحد!!

الرجل : شنهو قصـدج

السفافة: تبغيها حق قعدة اسره

أو تبغـيها حق اثنين

الرجل : ( يعد )

أربعة خمسه واحد..عشره

السفافة: عطني فرصة بس يومين

الرجل : يومين وايد

السفافة: لا. مو وايد

السفره تبغني لها خوص

والخوص يبغى له تيبس  
وعقب التيبس التقسيم  
وعقب التقسيم التنقيع

الرجل : بس يكفيني  
بس يا خاله  
شغلتكم هذي بطاله

السفافة: مو بطاله  
لكن تبغى طولة بال  
الرجل : سويها فـي يوم واحد

السفافة: السفـة في طـول الباع  
محتاجه اكثر من ساعه  
اشلون تبغى عشرين باع  
تجهـزلك في يوم واحد

الرجل : والزبده!!  
السفافة: انطـر يـومين

## أغنية جماعية

من نخسلة في الحوش  
أو خمسسه يم العين  
احسنه تـربينا  
وسويـنا كل شي زين  
قفـه مع مهفه  
وسفـره لها لونين  
وقلـه تمر اخلاص  
لونـه يسر العين  
بالنخـله وارطبها  
عاشـوا هل البحرين

رجال : سـوينا من هالخص  
جسفران بعد جفران  
شـلـنا السمج فيها  
والرمـله للبنيان

نساء : واحـسنه نسف منها  
طـول الزمن حصران

نبتســــــــطها في الحجره  
والحــــــــشوش والليوان

رجال : الحــــــــاجه خلطنا  
خلــــــــتنا أي والله  
لاجل التمر يبقى  
نخزنــــــــه في قله

نساء : في الحــــــــر مهفتنا  
تحميــــــــنا من هالصيف  
وتظــــــــل مخــــــــمتنا  
ولــــــــهــــــــانه للتنظيف













ليش الحياة كلها

تعب

ليش ليش ليش

ليش العرق شق


العصب

ليش ليش ليش

نولد تعب نكبر تعب

نعمل تعب

Bibliotheca Alexandrina



1236157

